

Գ. Խ. Սարգսյան

ՀԻՆ ՀԱՅԱՍՏԱՆԻ ՀԱՍԱՐԱԿԱՐԳԻ ՈՐՈՇ ԱՌԱՆՁՆԱՀԱՏԿՈՒԹՅՈՒՆՆԵՐԻ ՄԱՍԻՆ¹

Հին Հայաստանի պատմության արդյունքները միջնադարյան Հայաստանի պատմության արդյունքների հետ համեմատելիս աչքի է դարձում նրանց տված ինֆորմացիայի էական տարրերությունը: Առաջին դեպքում, քաղված լինելով առաջնաբան ներքին արդյունքներից, այն բաղմակողմանի կերպով բնութագրում է հայ հասարակության ներքին կառուցվածքը, այն է՝ ֆեոդալական հասարակարգը: Երկրորդ դեպքում, ելնելով մեծ մասամբ արտաքին արդյունքներից, այն պատկերացում է տալիս գլխավորապես արտաքին քաղաքական պատմության մասին, անխուսափելիորեն ստվերի մեջ թողնելով Հայաստանի ներքին կյանքի բնագավառը, նրա հասարակարգը:

Հին Հայաստանի հասարակարգի ուսումնասիրության՝ ինֆորմացիայի այդ տարրերում բնորոշվող դժվարությունները նրա առաջին հետազոտողներին լրանալարար ստիպում էին Հայաստանի ֆեոդալական կարգերի մասին ավելի ուշ տվյալների հիման վրա ստեղծված պատկերացումները տեղափոխելու և տարածելու նաև հին ժամանակաշրջանի վրա: Վերջինիս մասին պահպանված, այն ժամանակ դեռևս լավարար չափով չուսումնասիրված, աղքատիկ տեղեկությունները հարմարեցվում էին այդ պատկերացումներին: Հենց այդպես էլ վարվել է նիկողայոս Ադոնցը, որին և պատկանում է հայկական ֆեոդալիզմի էություն մեջ թափանցելու առաջին լուրջ և հաջողված փորձը²:

Ադոնցի բացած ուղիով են ընթացել նաև Հ. Մանանդյանը և մի շարք այլ հետազոտողներ, Հայաստանում ֆեոդալիզմի սկիզբը վերագրելով տարբեր ժամանակներին՝ մինչև արտական ժամանակաշրջանից մինչև Տիգրան II-ի դարաշրջանը³:

¹ Ներկա հոդվածը ներկայացնում է Բախիսիում Վրացական ՍՍՌ 40-ամյակի առիթով գումարված հորեյանական սեսիայում արված զեկուցման տեքստը: Հեղինակը տպագրության է հանձնել նույն այս թեմային նվիրված ավելի ծավալուն իր աշխատությունը, որի մեջ մանրամասնորեն փաստարկված են մի շարք հարցադրումներ, որոնք տվյալ հոդվածում շարադրված են կոնսպեկտիվ ձևով: Դրանցից են սրինակ, դաստակերտների և ագարակների և նրանցում աշխատող անմիջական արտադրողների, գյուղական համայնքի, սոցիալ-տնտեսական պատմության պարբերացման և մի քանի այլ հարցեր:

² Н. Адонц, Армения в эпоху Юстиниана. Политическое состояние на основе пахарарского строя, СПб, 1908, էջ 453—493. Հասկանալի է, որ ն. Ադոնցը իր դատողությունների և բնութագրերի մեջ դուրս չի գալիս հասարակության քաղաքական ու իրավական խնդիրների սահմաններից, «Ֆեոդալիզմը» նրա համար բնավ էլ արտադրության որոշակի եղանակ չէ, այլ լոկ քաղաքական կողմակերպության որոշակի ձև, որը պարունակում է, օրինակ, այնպիսի տարրեր, ինչպիսիք են հիերարխիան, վասալիտետը, պետության քաղաքական մասնատվածությունը, այնուհետև, որոշակի իրավակարգը հոգատիրության մեջ, և այլն:

³ Հ. Մանանդյան, Ֆեոդալիզմը հին Հայաստանում (Արշակունիների և մարզպանության շրջանում), Երևան, 1934, էջ 249 և հետ., նույնը, Проблема общественного строя доаршакидской Армении. «Исторические записки», 1945, № 15, էջ 25 և հետ., Խ. Սարգսյան:

Սակայն հին Հայաստանի հասարակարգի բուն դեմքը երևան բերելու ձրգտումը անխուսափելիորեն պետք է հանգեցնեՐ այդ տեսակետի վերանայմանը, և Ս. Տ. Երեմյանը առաջ քաշեց ու մի շարք հսդվածներում հիմնավորեց մի նոր տեսակետ¹։

Ս. Տ. Երեմյանը հանգեց այն եզրակացության, որ հին Հայաստանում գոյություն է ունեցել ստրկատիրական հասարակություն և տվեց նրա զարգացման հետևյալ պերիոդիզացիան. համայնա-ստրկատիրական ժամանակաշրջան (VII—IV դդ. մ. թ. ա.), ստրկատիրական էկոնոմիկայի ծաղկման ժամանակաշրջան (III դ. մ. թ. ա.—II դ. մ. թ.), ստրկատիրական արտադրական հարուբերությունների ճգնաժամի և անկման ժամանակաշրջան (II—IV դդ. մ. թ.)։

Ս. Տ. Երեմյանը ցույց տվեց, որ հին Հայաստանում տարածված՝ դաստակերտները և ագարակները ստրկատիրական տնտեսություններ էին, ստրկական ուժի կիրառմամբ²։

Ստրկական վիճակի վերաբերյալ հայկական տերմինաբանությունը, որ մեծ մասամբ երևան բերեց և ուսումնասիրեց Ս. Տ. Երեմյանը, խոսում է հին Հայաստանում ստրկության տարածվածության և ճյուղավորվածության մասին։ Ընդգծելով աղբյուրների որոշ տեղեկություններ, Ս. Տ. Երեմյանը ցույց տվեց ստրկիկների արտաքին աղբյուրի՝ նվաճողական պատերազմների առանձնուպես կարևոր նշանակությունը։ Նա զգալի աշխատանք կատարեց հին Հայաստանի ստրկատիրական քաղաքի և մինչֆեոդալական դյուղական համայնքի հետազոտման ուղղությամբ։

Չի կարելի ժխտել, որ նոր կոնցեպցիայի երևան դալը որոշ չափով կապված է եղել Հին Արևելքի ստրկատիրական հասարակությունների նկատմամբ՝ 30-ական թվականներին սովետական պատմագրության մեջ մշակված ավելի ընդհանուր տեսակետը հին Հայաստանի վրա տարածելու հետ։ Սակայն, այդպիսի տարածման հնարավորությունը ինքը պայմանավորված է եղել Հայաստանի հին պատմությանը, մասնավորապես ստրկատիրությանը վերաբերող նյութերի մինչ այդ կատարված ուսումնասիրությամբ³։

Նոր տեսակետը շուտով ճանաչում նվաճեց, բայց և այնպես մենք առաջով

¹ Մ ու լ յ ա ն, Հին հայ իրավունքի պատմություն, I, Երևան, 1939, էջ 101, Ս. Ե. Հ ա կ ո թ -յ ա ն, Հայ գյուղացիության պատմություն, I, Վաղ ֆեոդալիզմի շրջան, Երևան, 1957, էջ 110 և հետ. և ուրիշներ։

² История СССР с древнейших времен до образования древнерусского государства (на правах рукописи), ч. I—II, М.—Л., 1939, էջ 316։ С. Т. Е р е м я н, Основные черты общественного строя Армении в эллинистический период, «Известия» Академии наук Армянской ССР. Общественные науки, 1948, № 11, նույնը, О рабстве и рабовладении в древней Армении, ВДИ, 1950, № 1, նույնը, Развитие городов и городской жизни в древней Армении, ВДИ, 1953, № 3, նույնը, Рабовладельческое общество древней Армении, М., 1953 (դոկտորական դիսերտացիայի ավտոռեֆերատ)։

³ С. Т. Е р е м я н, О рабстве и рабовладении в древней Армении, ВДИ, 1950, № 1, էջ 13 և հետ.։ А. Г. П е р и х а н я н, К вопросу о рабовладении и землевладении в Иране парфянского времени, ВДИ, 1952, № 4, էջ 18 և հետ.։

⁴ Հետաքրքրական է, որ հին Հայաստանում ստրկության գոյության հարցը առաջին անգամ, կոնկրետ կերպով և փաստական տվյալների հիման վրա, դրված է Հ. Հ. Մանանդյանի աշխատություններում։

⁵ Սամուելյանը այդ պրոբլեմին նվիրել է հատուկ ուսումնասիրություն—Ստրկությունը հին Հայաստանում («Տեղեկագիր ՀՍՍՀ Պատմության և գրականության ինստիտուտի», № 2, Երևան, 1937)։

դառնալու մեք նրա մշակման դեռ սկզբնական փուլում և ցավալի է, որ հին Հայաստանի սոցիալ-տնտեսական պատմության նկատմամբ հետաքրքրությունը վերջին տարիներս որոշ չափով սառել է: Չէ՞ որ մի շարք թեղեր դեռևս սպառիչ կամ բավարար չափով փաստարկված չեն, շատ հարցեր հեռու են լուծված լինելուց, մյուսները ոեալ կերպով դեռևս դրված էլ չեն: Նկատենք նաև, որ հիմնական դրույթների վերաբերյալ հետազոտողների շրջանում միասնություն չկա: Հին Հայաստանի հասարակության ստրկատիրական բնույթի վերաբերյալ նոր տեսակետը հետազոտողների մեծամասնության կողմից ընդունվելու հետ մեկտեղ, կա նաև նրա քննադատությունն ու լուռ անհավանականությունը:

Պետք է սակայն ասել. որ այդ քննադատության հիմնական կրակը նախատակետին չի դիպչում: Ստրկատիրական կարգերի գոյության վերաբերյալ տեսակետի հակառակորդները համառորեն պնդում են, որ այդ տեսակետը հիմնված է, իբր թե, լուկ հին Հայաստանի հասարակարգը անտիկ ստրկատիրական հասարակությունների կարգերի հետ համանմանեցնելու կամ հենց նույնացնելու վրա: Ըստ երևույթին, նրանք կարծում են, որ միայն այդ եղանակով, որևէ երկրի հասարակարգը հոմոնեական կամ հունական ստրկատիրական կարգերի հետ նույնացնելու եղանակով է, որ կարելի է հետևություն անել նրա ստրկատիրական բնույթի մասին⁷: Ընդամիս աչքաթող է արվում այն փաստը, որ հենց այդ երկու հասարակությունները՝ հունականը և հոմոնեականը շատ ու շատ տարբերվում էին իրարից, չխոսելով դեռ այն է՛լ ավելի էական առանձնահատկությունների մասին, որոնք բնորոշ էին արևելյան ստրկատիրական հասարակությունների համար:

Ստրկատիրական հասարակարգի սովետական հետազոտողները վաղուց արդեն հրաժարվել են տարբեր ժամանակաշրջանների և երկրների տնտեսական ձևերի ու սոցիալ-տնտեսական հարաբերությունների ողջ բաղադրանությունը՝ ստրկատիրական հասարակարգի մասին կանխապես տրված տարրական տեսերեռտիպ պատկերացման մեջ խցկելու փորձերից⁸: Այդպիսի հրաժարմանը

⁷ Տե՛ս օրինակ՝ Я. А. М а н а н д я н, Проблема общественного строя доаршакидской Армении, «Исторические записки», № 5, 1945, 3 և հետ.:

⁸ Տե՛ս «Вестник древней истории» ամսագրում 1950-ական, ինչպես նաև 1960 և 1961 թթ., Մ. Լ. Ուտչենկոյի, Ն. Մ. Շտայնմանի, Ա. Յա. Լենցմանի, Ի. Դ. Ամուսինի, Ա. Ռ. Կորսունսկու, Կ. Մ. Կոլոբովայի, Ա. Գ. Գեմպի, Լ. Ն. Կազամանովայի, Է. Լ. Կազակևիչի, Յու. Բ. Յուսիֆովի և ուրիշների հոդվածները: Ինչ վերաբերվում է բուրժուական պատմագրությանը, ապա այն վերջին տասնամյակների ընթացքում մեծ մասամբ շրջանցում է հին աշխարհում ստրկության պրոբլեմը, իսկ եղած սակավաթիվ աշխատություններում երևում է նրա նշանակությունը խիստ նվազեցնելու բացահայտ ձգտում: Այդ ձգտումը իր վառ արտահայտություն է գտել ստրկության մասին՝ ամենախոշոր, ավելի ճիշտ՝ միակ խոշոր աշխատության մեջ, որը պատկանում է Ուեստերմանի գրչին (W. Westermann, The Slave Systems of Greek and Roman Antiquity, Philadelphia, 1955), Հեղինակը, մի կողմից՝ փորձում է ստրկիկների ու ստրկատերերի միջև անտառգոնիզմը հարթել փաստերի այնպիսի ընտրության միջոցով, որից բխեր, թե ստրկիկների շահագործումը այնքան էլ դժան բնույթ չի կրել: Մյուս կողմից՝ նա փորձում է հիմնավորել այսպիսի մի թեզ, թե ստրկությունն ամենևին էլ այնքան տարածված չի եղել նույնիսկ Հռոմում և Հունաստանում, որպեսզի կարելի լիներ հունական ու հոմոնեական հասարակությունների կոնոմիկական համարել ստրկատիրական: Ընդամիս հելոտիան և նման ձևերը Ուեստերմանը դուրս է նետում հաշվից որպես ստրկության հետ չառնչվող: Այդ տեսությունների բաղադրական նպատակասլացության մեջ կասկած չի կարող լինել՝ դրանք վերաբերում են այն միջոցների զինանոցին, ուղեցով բուրժուական պաղափարախոսները փորձում են սրողն ժամանակակից կապիտալիստական հասարակության դասակարգային անտառգոնիզմը:

առանձնապես օգնեց հին-արևելյան հասարակությունների մարքսիստական խորը ուսումնասիրությունը, որը հետազոտողների աչքի առջև բացեց ստրկատիրական արտադրական հարաբերությունների նոր կոնկրետ ձևեր՝ մերթ միմյանց և անտիկ աշխարհի ձևերին նման, մերթ միասնգամայն տարրեր⁹։

Քննադատների պնդումների էությունից անկախ, քննադատության ռացիոնալ հատիկը, ըստ երևույթին, այն է, որ մինչ այժմ հիմնական ուղադրությունը հատկացվելով հին Հայաստանի սոցիալ-տնտեսական զարգացման ընդհանուր հարցերին, քիչ րան է արվել նրա առանձնահատկությունները պարզելու համար։ Ներկա հոգվածը մենք ձգտել ենք ուղղել հենց այդ հունով, սահմանափակվելով ուսումնասիրվող պրոբլեմի լոկ մի քանի ասպեկտներով։

* * *

Ամենից էական հարցերից է այստեղ մասնատիրական՝ թագավորին, ավագանուն, տաճարներին, հոգևորականությանը, քաղաքներին և ուրիշներին պատկանող տնտեսությունների՝ ազարակների ու դաստակերտների տնտեսական բնույթի հետագա ուսումնասիրումը։

Ուլբե՛ր էին աշխատում դաստակերտ-ազարակներում։ Այս հարցը, հաշվի առնելով աղբյուրների առկա վիճակը, թերևս ամենադժվարինն է։ Խ. Սամուելյանը և Ս. Ս. Երեմյանը ազարակների աշխատողներին համարում են ստրուկներ¹⁰։ Հ. Մանանդյանը մերժում է այդ դրույթը և կարծիք հայտնում ազարակների ընկերների դրույթյան «նվաստացվածության» մասին¹¹։ Նրա համար հիմք է ծառայում XIII դարի հեղինակ Մխիթար Գոշի հետևյալ նշումը. «Արք քաղաքացիք առաւել քան զգեղջուկս պատուիցեն և գեղջկաց նմանապէս առաւել պատիւ լիցի քան ընակչաց ազարակի...» (Դատաստանագրքի, II, 1)։

«Քաղաքացիների» և «գեղջուկների» հարաբերակցությունը մենք հանգամանորեն քննության ենք սուել մի այլ աշխատության մեջ¹², և եկել այն եզրակացության, որ Գոշի Դատաստանագրքում նշված պատմական պրոցեսի սկզբում՝ քաղաքի և գյուղի միջև, քաղաքի գերակշռության պայմաններում, գոյություն է ունեցել ստրկատիրական հասարակության համար խիստ բնորոշ անտագոնիզմ։ Այդ անտագոնիզմը արտացոլվել է նաև քաղաքացիների ու գյուղացիների մասին Մ. Խորենացու հայտնի հաղորդման մեջ, որը, ի դեպ, դրական նմուշ է ծառայել Գոշի Դատաստանագրքի վերը բերված հոգվածի համար։

Մեր կարծիքով մոտավորապես նույնն է դրությունը նաև «գեղջուկների» ու «ազարակների ընկերների» հարաբերակցության վերաբերմամբ, Դատաստակերտ-

⁹ Scl' u B. B. Струве, Проблема зарождения, развития и разложения рабовладельческого общества Древнего Востока, М.—Л., 1934. նույնը, История Древнего Востока, изд. 2-е, М., 1941. В. И. Авдиев, История Древнего Востока, изд. 2-е, М., 1953. А. И. Тюменев, Государственное хозяйство древнего Шумера, М.—Л., 1956, նույնը, Передний Восток и античность, «Вопросы истории», 1957, № 6. И. М. Дьяконов, Развитие земельных отношений в Ассирии, Л. 1949. նույնը, Общественный и государственный строй древнего Шумера, М., 1959 և ուրիշներ։

¹⁰ С. Т. Еремян, О рабстве и рабовладении в древней Армении, ВДИ, 1950, № 1, էջ 14։

¹¹ Я. А. Манандян, Проблема общественного строя доаршакидской Армении, «Исторические записки», № 15, 1945, էջ 3 և հետ։

¹² Г. Х. Саркисян, Тигранакерт, Из истории древнеармянских городских общин, М., 1960, էջ 102 և հետ։

աղաքականների՝ մի կողմից և գյուղերի (շենների, ավանների)՝ մյուս կողմից, պարզորոշ սահմանադատումը բոլոր այն դեպքերում, երբ նրանք աղբյուրների մեջ հանդիպում են միասին¹³, ցույց է տալիս, որ գյուղացիների նկատմամբ ազարականների բնակիչների «նվաստացվածությունը» գոյություն է ունեցել առնվազն IV—V դարերում և ունի պատմական խոր արմատներ։ այն ծագում է վերջիվերջո նախաֆեոդալական ժամանակաշրջանի դասակարգային հարաբերություններից։

Պատմական աղբյուրներում դաստակերտ-ազարականների հետ սերտորեն կապված է անմիջական արտադրողների «մշակներ» կոչված կատեգորիան։ «Մշակ» բառը ընդհանրապես նշանակում էր հողի մշակությամբ զբաղվող մարդ՝ հողագործ։ շատ դեպքերում այն գործ է ածված նաև փոխաբերական՝ կրոնական իմաստով, որպես «աստծո մշակ»։ Սակայն սոցիալական երանգավորում ունեցող կոնտեքստներից պարզվում է, որ «մշակ» կոչվել է ոչ թե ամեն մի հողագործ, այլ ուրիշի հողը մշակողը՝ վարձկան, վարձակալ կամ ճորտ հողագործը։ Մշակների մասին ամենակարևոր տեղեկությունները տալիս է Ղազար Փարպեցին (էջ 105 և հետ.)¹⁴, պատմելով, թե ինչպես երկու հայ հոգևորականների, որպես պատիժ դրադաշտը բնդունելուց հրաժարվելուն, պարսիկները դարձրին «արքունի մշակներ», նախապես կտրելով նրանց ականջները։ Այդ մշակները, ըստ Փարպեցու, աշխատում էին արքունի տնտեսության մեջ, ցմահ մնալով կախյալ վիճակում, եթե միայն չէին աղատվում համապատասխան սիրկադին վճարելով։ Փարպեցու տվյալներով «արքունի մշակներ» սոցիալական կատեգորիայի վիճակը բնութագրվում է որպես ստրկական կամ ստրկականին մոտիկ։

Այս պատկերացումները վերադրելով հայկական թագավորական մասնատիրական տնտեսություններում՝ դաստակերտներում և ազարականներում աշխատող հողագործներին, մենք կստանանք նրանց սոցիալական դրության, եթե ոչ իսկական, գոնե մոտավոր, բնութագիրը։

Սույն բնութագրին կարևոր լրացում է ծառայում Ագաթանգեղոսի հաղորդումը այն մասին, որ Տրդատ III թագավորը յուրաքանչյուր ավանում հոգևորականության համար առանձնացնելով յոթ «հող երդոյ», այդ նպատակով շրջական նույնպիսի հողամաս հատկացրեց ազարականներում (էջ 436)։ Այստեղից կարելի է եզրակացնել, որ ազարականներում ևս հողը բաժանվում էր «հող երդոյ»-ների, սակայն այստեղ, մասնավոր հողատիրության պայմաններում, ի տարբերություն կոլեկտիվի անդամներին հողամասեր բաժանելու համայնական կարգերի, տիրոջ խնդիրն էր ոչ թե արտադրողներին հողարաժիներով բավարարելը, այլ, ընդհակառակը, հողը արտադրողներով ապահովելը։ Ղազար Փարպեցու մի այլ հաղորդման մեջ նշված է, որ մշակներն ունեին իրենց տները և, հետևաբար, կարող ենք ենթադրել, իրենց ընտանիքները (էջ 159)։

Դաստակերտ-ազարականների բնակիչների նկարագրվող հատկանիշները հիշեցնում են նյութական բարիքներ արտադրողների՝ Առաջավոր Ասիայում լայնորեն տարածված կատեգորիան՝ հողի վրա նստեցված ստրուկներին, բայց մի այլ ուսումնասիրող կարող է նրանց մեջ տեսնել նաև ճորտեր—առկա տվյալներում չկա բավարար որոշակիություն։

¹³ Բազմաթիվ օրինակներից բերենք մեկը. ըստ Խորենացու, Արտաշես արքան հրամայել է «զսամասնս գիւղից և ազարակաց որոշել» և դնել սահմանաքարեր (II, 56)։

¹⁴ Ղազարայ Փարպեցույ Պատմութիւն Հայոց, Տփղիս, 1904։

Սակայն հիշենք, որ դաստակերտ-ազարակի և նրանց բնակիչների մասին մեր բոլոր տվյալները, առանց բացառության, V դարից այն կողմը չեն անցնում և լուսաբանում են այդ նույն դարում, լավագույն դեպքում նաև նախնիքաց հարյուրամյակում, այսինքն հին հայկական հասարակության ֆեոդալացման ամենախնտենսիվ պրոցեսի ժամանակներում, եղած դրությունը։ Այդ տվյալները չի կարելի մեխանիկորեն տարածել նախնիքաց դարերի վրա, իսկ քանի որ նրանցում արտացոլված դրությունը անցյալում ծագած և զարգացած պրոցեսների պատմական արդյունք է, ապա այն կարող է մեզ նախադրյալ ծառայել պրոցեսները ճանաչելու և բացահայտելու համար։

Սակայն այդ պատկերը դեռի պատմության խորքերը շարժելու համար, այնուամենայնիվ, անհրաժեշտ է այնտեղ ինչ-որ էական հենարան ունենալ։ Այդպիսի հենարան մենք տեսնում ենք, նախ՝ սահմանակից երկրների մասին մինչ հելլենիստական ու հելլենիստական ժամանակաշրջանների, ինչպես նաև մ. թ. առաջին դարերի համապատասխան տվյալների մեջ, երկրորդ՝ Մովսես Խորենացու մոտ պահպանված, թեկուզ և ուշ ժամանակների պատկանող, բայց հին Հայաստանի շատ ավելի վաղ ժամանակաշրջանների պատմության լուսաբանումն ակնկալող մի քանի ուղղակի տվյալների մեջ։

Հողի վրա նստեցված ստրուկների կատեգորիայի մասնաշաղկան տարածումը դիտվում է Առաջավոր Ասիայում արդեն նոր-ասորեստանյան շրջանում (VIII—VII դդ. մ. թ. ա.)։ Թագավորական, տաճարային, մասնավոր կալվածներում 5—10 ընտանիքավոր մարդկանցից բաղկացած ու տերունական գործիքներով ու տավարով ապահովված փոքր խմբերի բնակեցումը սովորական երևույթ էր¹⁵։ Շահագործման նմանօրինակ ձևը առկա էր նաև Աքեմենյան տերության մեջ¹⁶։ Էլ ավելի պերճախոս են հելլենիստական շրջանին վերաբերող տվյալները, որոնք վկայում են ստրուկ-հողագործների կատեգորիայի տարածված լինելու մասին¹⁷։ Մեզ համար հատուկ հետաքրքրություն են ներկայացնում մ. թ. առաջին դարերի՝ Հայաստանին սահմանակից երկրներում ընդունված ստրուկների շահագործման մեթոդների մասին եղած տեղեկությունները, որոնք տեղավորված են «Բաբելոնյան թալմուդում»՝ Իրաքի մասին և «Մատիկան է հազար դատաստան»-ում («Հաղար դատավճիռների մատյան»)՝ Իրանի մասին։

Այդ երկրներում, հիշյալ ժամանակաշրջանում, մասնատիրական տնտեսությունները կոչվում էին համապատասխանորեն «դասկարտ» և «դաստկարտ», այսինքն նույն անունն էին կրում, ինչ որ Հայաստանում։ Դրանցում, նախած տնտեսության մեծությանը, կարող էին աշխատել՝ իրենց կցված հողատիրոջ վրա տասնյակ և հարյուրավոր ստրուկներ, որոնք օգտվում էին ստացած բերքի որոշակի մասը յուրացնելու իրավունքից¹⁸։

Այս ամենը խոսում է այն բանի օգտին, որ հայկական դաստակերտ-ազա-

¹⁵ И. М. Дьяконов, Развитие земельных отношений в Ассирии, Л., 1949, 47 109 և հետ.

¹⁶ Նույնը, Рабовладельческие имения персидских вельмож, ВДИ, 1959, № 4, 47 88 և հետ.

¹⁷ Տե՛ս, օրինակ, Մենսիմարոսի արձանագրությունը. «American Journal of Archaeology», XVI, 1912, էջ 12 և հետ.

¹⁸ Տե՛ս Ю. А. Солодухо, Значение еврейских источников раннего средневековья для истории Ближнего Востока, «Советское востоковедение», 11, 1941, 47 39. А. Г. Периханян, К вопросу о рабовладении и землевладении в Иране парфянского времени, ВДИ, 1952, № 4, 47 16 և հետ.

րականների հողագործների վիճակը, եթե ոչ IV—V դարերում, ապա համենայն դեպս ոչ շատ հեռավոր անցյալում, պետք է համարել հողի վրա բնակեցված ստրուկների վիճակի Դրանով, հասկանալի է, չի բացառվում դաստակերտ-ագարականներում շահագործման նաև այլ օժանդակ ձևերի կիրառման հնարավորությունը. չպետք է մոռանալ, թե որքան բարդ պատկեր է ներկայացնում հողագործների շահագործումը հին աշխարհում, այն դեպքերում, երբ այն մանրամասնորեն արտացոլված է պատմական աղբյուրներում:

Այն, որ Հայաստանում ևս մենք գործ ունենք ստրուկների հետ, երևում է մասամբ, ինչպես ասվեց, նաև Մովսես Խորենացու որոշ տվյալներից: Վկայաբերելով «Ողիմպոս քուրմ Հանույ, զորոյ մեհենական պատմութեանց»-ին, Խորենացին հաղորդում է, որ երբ տապալվեց զահի հափշտակիչ Օրվանդը, Արտաշես արքայի զորավար Սմբատը տիրեց Բագարանին, Երվանդի Լզրոր քրմապետ Երվազի աթոռանիստին, և այնտեղ բռնագրավեց նրա գանձերը և 500 ստրուկ (ծառայ): Այդ բոլորը ներկայացնելով Արտաշեսին, Սմբատը նրանից նվեր ստացավ հիշյալ ստրուկներին, որոնց և «տարեալ բնակեցուցանէ ի թիկանց Մասեաց, ի նոյն անուն Բագարան կոչելով զձեռակերտն» (II, 48): Մովսես Խորենացու այս տեղեկություններին առնչվում են նրա ուրիշ տվյալներ ևս: Արտաշեսի արշավանքների արդյունքները հանրագումարի բերելիս, Խորենացին գրում է, որ թագավորը «հրամայէ զսահմանս գիւղից և ավարակաց որոշել. քանզի բազմամարդացոյց զաշխարհն Հայոց բազում ածելով աղգս, և բնակեցուցանելով ի լերինս և ի հովիտս և ի դաշտս» (II, 56): Հետաքրքրական է, որ Հայոց աշխարհում օտարերկրացիների բնակեցումը Խորենացին սերտորեն կապում է համայնական և մասնատիրական հողերի պարզորոշ սահմանագծման անհրաժեշտության հետ, նկատի ունենալով անշուշտ, որ նրանք բնակեցվում էին դաստակերտ-ագարականներում:

Խորենացու այդ տեղեկությունները անուղղակի հաստատումն են ստանում Արտաշես թագավորի լայն նվաճումների մասին Ստրաբոնի հաղորդման մեջ (XI, 14, 5) և Տիգրան II-ի ժամանակ օտարերկրացիների զգալի զանգվածներ Հայաստան գաղթեցնելու մասին անտիկ պատմագրության բազմաթիվ տվյալներում: Այդ կարգի տեղեկություններ կան նաև Տիգրան II-ի որդու՝ Արտավազդ II-ի ժամանակի մասին: Նվաճված երկրների բնակչությունը տեղահան անելու թաղաքականության հաջորդականությունը և հետևողականությունը լավագույն վկայությունն են հին հայկական հասարակության այլ կարիքներից բացի, նաև ստրուկների թիվը համալրելու նրա կարիքի մասին: Այդ կարիքը, անկասկած, բավարարվում էր նաև այլ, ներքին աղբյուրներից:

Պատմական աղբյուրները մեզ թույլ չեն տալիս հին Հայաստանի գյուղատնտեսության մեջ ստրուկների շահագործման այն ձևերից, որոնց մասին խոսվեց, ավելի հեռուն թափանցել և պատասխանել շահագործման այդ ձևերին նախորդած մեթոդների բնույթի հարցին:

Սակայն, կարիք չկա հողի վրա ստրուկների բնակեցման սկիզբը կապել անպայման հասարակության ֆեոդալացման հետ: Այդ երևույթը ճիշտ է, նշանավորում է բացառապես արտատնտեսական հարկադրման վրա հիմնված կառույցի ստրկատիրական շահագործման ճգնաժամ, բայց այդ ճգնաժամի առաջին նշաններից մինչև ստրկատիրական հասարակարգի ճգնաժամն ու անկումը ղեկուն շատ ու շատ հեռու էր: Դեռ ավելին, հիշյալ նշանները սկզբնական

շրջանում ուղեկցվում էին ստրկատիրական սիստեմի դգալի աճմամբ ու ճյուղավորմամբ, որ արտահայտվում էր ամենից առաջ ստրկատիրական հասարակությունների աշխարհագրական արեալի ինտենսիվ լայնացմամբ, նրա տարածմամբ թույլ զարգացած ծայրամասային երկրների վրա: Տվյալ դեպքում նկատի ունենք հելլենիստական ժամանակաշրջանի պատմությունը, բայց համանման երևույթներ կան և հին-արևելյան և հռոմեական պատմության մեջ:

Հայաստանի համար, որը ծայրամասային այդպիսի երկրներից մեկն էր, հողի վրա նստած ստրուկների շահագործման ծնունդը կարելի է վերագրել ավելի հեռավոր ժամանակաշրջանի, քան ֆեոդալական պրոցեսների սկզբնավորումը, այն կապելով՝ Հայաստանը հելլենիստական աշխարհի զարգացման միասնական պրոցեսի մեջ ընդգրկվելու հետ: Ընդամենը Հայաստանում այդ սիստեմի ներքին ակունքները, ի տարբերություն զարգացած ստրկատիրական երկրների, կարելի է տեսնել ոչ թե անպայման «կլասիկ» ստրկատիրության տնտեսաձևերի մեջ, որոնք, հավանորեն, Հայաստանը երբեք էլ չի իմացել, այլ հենց արխայիկ նահապետական ստրկության պայմանների մեջ, որոնք հատուկ էին Հայաստանին հելլենիզմի նախօրեին:

Ինչ վերաբերվում է նահապետական ստրկության՝ նշված սիստեմին անմիջական, «կլասիկ» փուլի շրջանցմամբ, փոխարկման հնարավորությանը, ապա այն ապահովված էր ստրկության այդ երկու արխայիկ և ուշ, ձևերի միջև եղած որոշակի նմանության գծերով:

* * *

Ստրկատիրական հասարակության զարգացման այն ժամանակաշրջանը, երբ սկսվում և տարածում է ստանում ստրուկների բնակեցումը հողի վրա, բնութագրվում է, բացի ծայրամասային երկրները ստրկատիրական աշխարհի մեջ ներառելուց, նաև ստրկատիրական սիստեմի աճման այլ ուղղությամբ՝ ազատ բնակչության, ամենից առաջ հողագործական բնակչության ներգրավմամբ շահագործման նրան հատուկ ձևերի ոլորտը:

Այդ երկու հանդիպական պրոցեսները դեռ երկար ժամանակ ստրկատիրական հասարակության զարգացման այնպիսի ուղիներ էին, որոնք երկարացնում էին նրա կյանքը, և հետագայում միայն, հարյուրամյակներ հետո, հանգեցրին հողագործների զրույթյան համահարթմանը ֆեոդալական կախվածության մակարդակի վրա:

Հռոմեական կոլոնատի զարգացումը կարող է ծառայել որպես այդ պրոցեսների կլասիկ օրինակ: Սովետական մի շարք հետազոտողների կարծիքով, III դարում նրանք արդեն շատ հեռու էին տարել¹⁹: Այլ հետազոտողների կարծիքով համահարթման պրոցեսը դեռ ավարտված չի եղել նաև VI—VII դարերում²⁰:

Այս կամ այն ձևով և ինտենսիվությամբ այդ նույն պրոցեսները հատուկ են եղել նաև մյուս ստրկատիրական հասարակություններին:

Ստրկատիրական հարաբերությունների ազդեցությունը գյուղացիությանը (չօր) շահագործման ձևերի վրա, նրա կախման աստիճանական սաստկա-

¹⁹ Է. Մ. Ш та е р м а н. Кризис рабовладельческого строя в западных провинциях Римской империи, М., 1957, էջ 114:

²⁰ 3. В. Уда ль ц о в а, Рабство и колонат в византийской Италии во второй половине VI—VII в. (Преимущественно по данным Равеннских Папирусов), «Византийский временник», М., 1961, էջ 120.

ցումն ու նրա ամրացումը հողին, նրա մերձեցումը հողի վրա նստեցված ստրուկների դրությանը—առանձնապես լավ են ցուցադրում հելլենիստական շրջանի աղբյուրները²¹։

Այս համադրումը բնավ չի նշանակում, որ մենք ձգտում ենք հավասարության նշան դնել հռոմեական կոլոնների և հելլենիստական ժամանակաշրջանի *λαοι-ների* միջև՝ հողի, հողատիրոջ, բերքի նկատմամբ նրանց ունեցած կապի տեսակետից։ Բայց բանն այն է, որ նման է եղել նրանց դերը ստրկատիրական հասարակության էվոլյուցիայի սոցիալ-տնտեսական համապատասխան պրոցեսներում, նրա շարժման մեջ դեպի այն վիճակը, որը ելակետային դարձավ ֆեոդալական հասարակության զարգացման համար։

Հայաստանի համար ևս, թեպետև դեռևս ընդհանուր գծերով, կարելի է արձանագրել դաստակերտ-ազարակների բնակիչների՝ հողի վրա նստած ստրուկների և գյուղերի ու շեների՝ բնակիչների՝ գյուղացի-համայնականների վիճակի մերձեցման պրոցես, որ նշանակում է առաջինների դրության որոշ բարելավում և վերջինների դրության վատթարացում²²։ IV—V դարերում կալվածները, որպես կանոն, ներկայացնում են և՛ դաստակերտ-ազարակներ, և՛ գյուղերն ընդգրկող կոմպլեքսներ. այս հանգամանքը ցույց է տալիս նրանց վիճակի մերձեցումը, բայց համահարթում դեռևս չկա—դրանք պատմական աղբյուրներում պարզորոշ կերպով տարբերվում են։ Որոշ տարբերություններ, դատելով Մխիթար Գոշի Դատաստանագրքի վերևում հիշատակված տվյալներից, պահպանվում են անգամ զարգացած ֆեոդալիզմի ժամանակաշրջանում։

Մական, այստեղ, ինչպես և վերևում, դաստակերտ-ազարակների բնակիչների կապակցությամբ, տեղին է հիշեցնել, որ հայ գյուղացիության դրությանը վերաբերող բոլոր դատողությունները հիմնված են այնպիսի աղբյուրների վրա, որոնք լուսաբանում են իրերի դրությունը ոչ ավելի վաղ, քան IV—V դարերում, այսինքն՝ շոշափում են ուսումնասիրվող պրոցեսների լոկ վերջին էտապները։ Իսկ ինչպես էր հայկական գյուղական համայնքի վիճակը հելլենիստական ժամանակներում և մ. թ. առաջին դարերում։ Այդ հարցը ոչ միայն ամենաքիչ ուսումնասիրվածներից մեկն է, արև մեկն է ուսումնասիրության համար առավել դժվար մատչելիներից։ Մանրամասն կանգ չառնելով այս կարևոր հարցի վրա, ասենք միայն, որ գյուղական համայնքի խաղացած խոշոր դերը չի կարելի համարել ֆեոդալական կարգերի առկայության ասպցույց, ինչպես սովորաբար պնդում են։

Գյուղական համայնքը ինքնին երբեք որևէ սոցիալ-տնտեսական կացութաձևի հատկանիշ չի հանդիսացել։ Անհրաժեշտ պայմանների առկայության դեպքում նա կարող էր գոյություն ունենալ ոչ միայն ֆեոդալիզմի ժամանակ, բայց սովորաբար ընդգծվում է, այլև ստրկատիրական կարգերի ժամանակ, և, առանձին դեպքերում, նույնիսկ կապիտալիզմի ժամանակ (օրինակ՝ Ռուսաստանում)։ Եթե վերանանք ոչ ճիշտ և պատմականությանը հակասող այն մտքից, որ գյուղական համայնքը բացարձակապես քարացած ու անշարժ է և ընդունակ միայն անվերջ քայքայվելու՝ սոցիալական շերտավորման պրոցեսի անվերջ սրման հետևանքով, ապա հարկ կլինի ընդունել, որ նրանում, ինչպես և

²¹ Տե՛ս, օրինակ, C. B. Welles, *Royal Correspondence in the Hellenistic Period. A study in Greek Epigraphy*, New Haven, 1934, № 18.

²² Ն. Ադոնց, *Պատմական ուսումնասիրություններ*, Պարիս, 1948, էջ 199. Հ. Մանանդյան, *Ֆեոդալիզմը հին Հայաստանում*, էջ 160 և հետո։

ամեն մի հասարակական օրգանիզմում, անխուսափելիորեն արտացոլվում են այն հասարակության համար բնորոշ սոցիալական փոխհարաբերությունները, որի բաղկացուցիչ մասն է կազմում համայնքը: Ստրկատիրական երկրների գյուղական համայնքների ներսում առաջանում էին ստրկատիրական հարաբերություններ, իհարկե, համայնական կյանքի յուրահատուկ պայմանների ազդեցության ներքո որոշակիորեն ձևափոխված: Մյուս կողմից, լինելով տվյալ ստրկատիրական հասարակության օրգանական մասը, համայնքը իր հերթին յուրահատուկ կնիք էր դնում այդ հասարակության վրա: Այսպես, հողի սեփականության համայնական ձևի կայունությունը արգելակում էր մասնավոր սեփականության զարգացումը, որ արևելյան ստրկատիրական հասարակությունների զարգացման դանդաղության, նրանց լճացածության պատճառներից մեկն էր: Համայնական կարգերի ազդեցությունն արտահայտվում էր նաև ստրուկների շահագործման եղանակով: Հին հայկական գյուղական համայնքը՝ այդ ասպեկտներով դեռ համարյա ուսումնասիրված չէ, ահա թե ինչու օրինաչափ կամ առնվազն յուրաքանչեւ չէ նրա դերի վկայաբերումը, որպես փաստարկի Հին Հայաստանի հասարակարգի ստրկատիրական բնույթի դեմ կամ ֆեոդալական բնույթի օգտին: Նման կարգի առարկությունը միայն ցույց է տալիս հին Հայաստանի հասարակարգի պրոլեմի ո՛չ բավարար չափով ուսումնասիրված կամ բոլորովին չուսումնասիրված օղակների մանրակրկիտ հետազոտման անհրաժեշտությունը:

* *

Հելլենիստական աշխարհում՝ գյուղական միջավայրից սոցիալ-տնտեսական կյանքի ոչ պակաս կարևոր ասպարեզ է եղել քաղաքը: Հին Հայաստանի համար դա այնքան էլ պարզ չի պատկերանում, հավանորեն, մասամբ այն պատճառով, որ քաղաքային կյանքը այստեղ, այնուամենայնիվ, չհասավ զարգացման այն աստիճանին, ինչ, օրինակ, հելլենիստական Ասորիքում, Փոքր Ասիայում և Բաբելոնում: Բայց դրա գլխավոր պատճառը այսուհանդերձ մնում է աղբյուրների բնույթը, որոնց մեջ հին հայկական հասարակության կյանքի այդ կողմը սքողված է²³:

Մեր թվականությունից առաջ III—I դարերի Առաջավոր Ասիան գիտեն ստրկատիրական քաղաքի մի շարք տիպեր: Դրանցից մեկը հելլենիստական պոլիսն էր, մյուսներից հալտնի են լարելական քաղաքները — տեղական ձևերի երկարատև էվոլյուցիայի արգասիք, Փոքր Ասիայի, Ասորիքի նույնպես հին արմատներ ունեցող քաղաք-տաճարները, Պաղեստինի քաղաքները և ուրիշներ:

Բոլոր այդ քաղաքները, որոնք տարբեր են ծագումով, արտաքին տեսքով, վարչական կառուցվածքով և այլն, երևան են բերում բացահայտ նմանության գծեր, երբ համեմատում ենք նրանց սոցիալ-տնտեսական կառուցվածքը և քաղաքական դերը հելլենիստական միապետությունների սիստեմում: Դրանք բոլորը կազմված էին բնակչության երկու հիմնական խավերից՝ տվյալ քաղաքի քաղաքացիական կոլեկտիվի մեջ միավորված լիիրավ քաղաքացիների համեմատաբար նեղ ու պարզորոշ գծագրված շրջանից և քաղաքում ու նրան շրջապատող, մասամբ քաղաքային համայնքին, մասամբ՝ լուսանձին քաղաքացիների պատկանող հողային տերիտորիայի վրա ապրող և աշխատող ստրուկների ու

²³ Մանրամասն տե՛ս Դ. Խ. Տարգիսյան, Тигракет, Из истории древнеармянских городских общин, М., 1960.

կիսակախյալ աղատների զանգվածից: Քաղաքացիական համայնքները, որոնք հանդիսանում էին ունալ ու պոտենցիալ ստրկատերերի կոլեկտիվներ և հակադրված ու վերադասված էին ոչ լիիրավ ու իրավագուրկ մնացյալ բնակչությանից, հելլենիստական պետություններում օժտված էին մի շարք արտոնություններով և իրավունքներով—մասնակի ավտոնոմիայի իրավունքով, շատ տուրքերից ու պարհակներից ազատ էին և այլն: Նրանք ունեին ինքնավարության օրգաններ, թագավորների հետ պագրոսություն էին վարում իրենց կյանքի տարբեր կողմերի հետ կապված հարցերով: Թագավորները ընդարձակ հողային տարածություններ էին նվիրարկում քաղաքներին: Հելլենիստական ժամանակաշրջանում թագավորական իշխանության ու քաղաքների միջև այդպիսի հարաբերությունները հանդիսանում էին ստրկատերերի դասակարգի տարբեր խավերի դաշինքի, նրա կոնսոլիդացիայի արտահայտություն, իսկ այդ դաշինքն ու կոնսոլիդացիան միակ միջոցն էր շահագործվող մասսաներին ճնշելու և սանձահարած պահելու, ինչպես նաև՝ պետության՝ երկու կողմերին ձեռնտու՝ ամբողջականությունը պահպանելու համար: Թագավորական իշխանության և քաղաքների միջև եղած հակասությունները երկրորդ պլանն էին մղվում այդ խնդիրների կարևորության ու կենսականության հանդեպ:

Այդ փոխադարձ շահագրգռվածությունը եղել է քաղաքների աճման ու զարգացման մասին թագավորների հոգատարության պատճառներից մեկը, հելլենիստական քաղաքաշինության այն վիթխարի պրոցեսի հիմքերից մեկը, որն ընդգրկել էր ամբողջ Մերձավոր Արևելքը և երկու-երեք հարյուրամյակի ընթացքում ծնել հարյուրավոր նոր քաղաքներ: Այդ նույն ժամանակաշրջանում, Հայաստանում հիմնվեցին մեկ տասնյակից ոչ պակաս նոր քաղաքներ: Լինելով երկրի ներքին զարգացման արտահայտություն, Հայաստանում քաղաքների բուռն աճումը՝ հելլենիստական քաղաքաշինության ընդհանուր պրոցեսի օղակներից մեկն էր:

Հայաստանում, ինչպես և հելլենիստական աշխարհի մյուս երկրներում թագավորների կողմից հիմնված քաղաքները կրում էին դինաստիական անուններ: Բաղմաթիվ Ալեքսանդրիաների, Սելևկիաների, Անտիոքիաների և այլնի նման Հայաստանում երևան եկան Նրվանդաշատը, Երվանդավանը²⁴, Արշամաշատը²⁵, Արկաթիոկերտը²⁶, Արտաշատը²⁷, մի քանի Զարեհավաններ, Զարիշատներ, Տիգրանակերտներ և այլն: Մեր թվականության I—II դարերում հիմնվել են Վաղարշապատը, Մծուրնը, հավանաբար Լուսի Նախճավանը²⁸:

Սակայն, քաղաքաշինությունը Հայաստանում ուներ նաև իր առանձնահատկությունը: Արևմուտքի ու Արևելքի կլասիկ ստրկատիրական երկրներում քաղաքաշինությունը տարածում է ստացել ստրկատիրական հասարակարգի զարգացման համեմատաբար ուշ էտապներում—հիմնականում հելլենիստական ժամանակաշրջանում—և նախապատրաստվել է քաղաքների տարերային զարգացման նախընթաց երկարատև պրոցեսում, որը Արևելքի ու Արևմուտքի մի շարք երկրներում հանդիսանում էր քաղաքային կյանքի իսկական ծաղկմանը: Ի տար-

²⁴ Մովս. խոբ., II, 39, 42, 46:

²⁵ Polyb., VIII, 25, Plin., Nat. hist., VI, 9.

²⁶ Plin., նույն տեղում. Steph. Byz., s. v. Ἀρκαθέτις.

²⁷ Strab., XI, 14. 6. Plut., Luc., 31. Մովս. խոբ. II, 40:

²⁸ Մովս. խոբ. II, 63, Փավստ. Բոդանյ, IV, 14, Ptol., Geogr., ed. K. Müller, v. 1, Paris, 1901, էջ 941:

բերությունը դրան, Հայաստանում առավել հին քաղաքները, որոնք ստեղծվել էին մեր թվականությունից առաջ III—II դարերում, արդեն քաղաքաշինության արդյունք էին: Փաստորեն միայն Արմավիրն է և, մի գուցե, ևս մեկ-երկու քաղաք, որ ըստ երևույթին, տարերայնորեն են կազմվել: Մինչև այդ ժամանակները, Հայաստանում քաղաքային կյանքի թույլ զարգացման մասին է վկայում, իսկ այս ամենից, նաև քաղաքային բնակչության այն սուր պահանջը, որն առաջացել էր քաղաքաշինության կապակցությամբ և լավարարվում էր օտարերկրյա քաղաքացիների զգալի զանգվածների վերաբնակեցման միջոցով:

Այսպիսով, քաղաքների զարգացումը հին Հայաստանում ընթանում էր անհավասարաչափ. նրա առաջին էտապը՝ քաղաքների տարերային առաջացման ու զարգացման էտապը, ամենևին էլ չտվեց այն արդյունքները, որոնք համապատասխան էտապում ձևվեց էին բերվել զարգացած ստրկատիրական երկրներում: Հելլենիստական ժամանակի համահարթույ ուժերը սաստկացրին հին հայկական քաղաքային կյանքի զարգացումը և արագացրին նրա թևակոխումը երկրորդ էտապը՝ քաղաքաշինության էտապը: Մի փոքր խտացնելով գույները, կարելի է նույնիսկ ասել, որ քաղաքների զարգացումը հին Հայաստանում սկսվել է այնպիսի կետից, որին ուրիշ երկրներում նախորդել է երկար ուղի: Պարզ է, որ քաղաքների զարգացման կուրսով այդպիսի սպեցիֆիկան եղել է ամբողջ հին հայկական հասարակության զարգացման սուսնձնահատկության արտահայտություն:

Իրենց տեսքի ու կառուցվածքի տեսակետից հին Հայաստանի քաղաքները ևս մի տարատեսակ էին հելլենիստական ժամանակի քաղաքների վերը թվարկված տիպերի շարքում: Այս քաղաքները շարունակում էին գոյություն ունենալ դեռ մեր թվականության IV դարում: Ֆեոդալականացված նախարարության դեմ կենտրոնական իշխանության պայքարում, նրանք հանդես էին գալիս որպես իրենց դաշնակցի՝ թագավորի զորավիգ: Եւ այց քաղաքային կարգերը այն ձևով, ինչ ձևով նրանք կազմավորվել էին հնում՝ IV դարում՝ արդեն ապրել էին իրենց ժամանակը և հետագա գոյության հեռանկարներ չունեին զարգացող ֆեոդալիզմի պայմաններում:

Հայաստանի քաղաքներին կատարյալ ազատ բերեց և նրանց մարման սրուցեսը խիստ արագացրեց պարսկական զորքերի արշավանքը IV դարի 50-ական թվականների վերջին—60-ական թվականների սկզբին, երբ կործանվեցին երկրի բոլոր խոշոր քաղաքները: Այդ քաղաքներն այլևս չվերսկենդանացան, ինչպես վերակենդանանում էին նախորդ դարերում, նման աղետներից հետո: Որոշ քաղաքներ բոլորովին անհետացան երկրի երեսից, մյուսները կորցրին իրենց նշանակությունը: Սկսվեց քաղաքային կյանքի երկարատև անկումը:

Ճիշտ է, V դարի երկրորդ կեսում առաջ քաշվեց և մի շարք հարյուրամյակների ընթացքում ծաղկեց Վիին քաղաքը, իսկ նրա լարձրացումը պայմանավորված էր ոչ թե ներքին պատճառներով, այլ նրանով, որ նա Առաջավոր Ասիայի տարանցիկ առևտրի կարևոր հանգույց և պարսկական, իսկ հետագայում՝ արաբական մարշական կառավարման կենտրոն էր:

Քաղաքների անկումը Հայաստանում շարունակվեց շուրջ հինգ դար: Քաղաքային կյանքն սկսեց աշխուժանալ միայն IX—XI դդ. և նոր ծաղկման հասավ XII—XIII դդ.: Սակայն հին քաղաքներից համարյա ոչ մեկը չվերածնվեց: Քաղաքային նոր կենտրոններ՝ Անին, Կարսը, Արծնը և այլն առաջացել են աշխարհադրական այլ կետերում:

* * *

Աղբյուրների առանձնահատուկ բնույթը ոչ պակաս, քան նրանց ընդհանուր սլոյթյունը, այս կամ այն չափով ազդում է հին Հայաստանի սոցիալ-տնտեսական պատմության բոլոր հարցերի մշակման վրա: Մասնավորապես, եղած տրվյալները բավական չեն, որպեսզի կարելի լինի տալ ստրկատիրական հասարակարգի զարգացման պարզորոշ պերիոդիզացիան, հենվելով միայն սոցիալ-տնտեսական երևույթների վրա: Հարկ է լինում, այդ պատճառով, դիմել նաև հին հայկական հասարակության կյանքի մյուս՝ քաղաքական ու կուլտուրական բնազավառների զարգացման գծերին:

Հայ ժողովրդի քաղաքական ու կուլտուրական զարգացման սկիզբն ընկնում է մ. թ. ա. I հազարամյակի առաջին կեսի վրա: Արդեն այն ժամանակ տեղի ունեւ քաղաքական միավորների կազմելու ձգտում, սակայն դրա հաջողությունը մասնակի էր, որովհետև այն դեմ էր առնում խոշոր և ուժեղ հին արևելյան պետություններին, որոնց շրջապատում զարգանում էր հայ ժողովուրդը: Մինչ այդ նրա ընդերքում դասակարգերի առաջացման պրոցեսն էր ընթանում, զարգանում էր արխայիկ պատրիարխալ ստրկությունը: Հին Հայաստանի կյանքի տարրեր կողմերի էվոլյուցիայի պրոցեսների թուլցիկ տեսությունից էլ երևում է, որ հելլենիստական ժամանակաշրջանը նրա համար դարձավ հզոր մղման և հետագա բուռն զարգացման շրջան՝ կազմակերպվեց պետություն, աշխուժացան առևտրական կապերը, աճեցին քաղաքներ, ծողկեց առաջավոր հունական կուլտուրայի տարրերով բեղմնավորված հայկական կուլտուրան. ընդամենը երկու հարյուրամյակի ընթացքում Հայաստանը, Աքեմենյանների պետության հյուսիսային ծայրամասում գտնվող ոչ-մեծ սատրապությունը, մեր թվականությունից առաջ I դարի սկզբներին վերաճեց Առաջավոր Ասիայի ամենահզոր պետության: Այնուհետև պարզորոշ տեսնում ենք, որ այդ բոլոր պրոցեսները, անցնելով մի շարք աստիճաններ, իրենց ավարտմանն են հասնում մոտավորապես միևնույն ժամանակ՝ մեր թվականության IV դարի շուրջը — կենտրոնացված պետությունը կործանվում է, քաղաքային կյանքը դեպի անկում է դիմում, կուլտուրան ու կրոնը արմատական փոփոխություններ են ապրում:

Միանգամայն ասենք, որ հայ հասարակության վերնաշենքի այդ բոլոր կողմերի զարգացման գծերը, որոնք ինքնին ուրվագծում են որոշակի ժամանակաշրջան, պատմական զարգացման առանձին ինքնուրույն դարաշրջան, ենթադրում են իրենց հիմքում համապատասխան բաղիսի, սոցիալ-տնտեսական այնպիսի կարգի առկայություն, որը սկզբունքորեն տարրեր է հաջորդած դարաշրջանի հասարակարգից՝ ֆեոդալիզմից, այն է՝ ստրկատիրական հասարակարգի առկայությունը:

* * *

IV դարի Հայաստանում ֆեոդալական հարաբերությունների տիրապետման, գերակշռության փաստը, ինչպես արդեն ասվել է վերևում, հիմք էր ծառայում այն պնդումների համար, թե հին հայ հասարակության բնույթը ընդհանրապես և հին հայկական պետականության, հատկապես Արշակունիների պետության բնույթը՝ մասնավորապես — ֆեոդալական է եղել:

Իրականում, սակայն, հին հայկական պետականությունը, ի դեմս Արշակունիների պետության, IV դարում ապրում էր իր անկման շրջանը, մինչդեռ

հայկական ֆեոդալական հասարակությունը այդ ժամանակաշրջանում գտնվում էր դեռևս իր երկար ճանապարհի սկզբում:

Իրականում, Արշակունիների կողմից կառավարվող, ֆեոդալական թվացող պետական ապարատը լուրջ չափով ֆեոդալականացած էր, բայց իր էությունով մնում էր ստրկատիրական պետական ապարատ, դեռևս մեր թվականությունից առաջ II դարում կազմավորված պետության հետագա զարգացման արդյունք: Նա, իհարկե, որոշ էվոլյուցիա էր ապրել—տնտեսական բաղիսի զարգացումն ու փոփոխումը հանգեցնում էին քաղաքական վերնաշենքի համապատասխան զարգացման ու փոփոխման, պետական կարգը հարմարվում էր նոր պայմաններին, նրանում ստեղծվում էին նոր հիմնարկներ և անհետանում հենքը: Պետական այդ հին կարգի կյանքի երկարաձգման գործում էական նշանակություն ունեին այն հանգամանքը, որ, ի տարբերություն հելլենիստական ժամանակաշրջանի մի շարք պետությունների, որոնք տարբեր ցեղերի և ազգությունների զուտ քաղաքական միավորումներ էին, Հայաստանը պատկանում էր այն պետությունների թվին, որոնք կազմավորվել են միասնական միավոր ժողովրդի հիմքի վրա:

Սակայն, այսուամենայնիվ, պետական կարգը չէր հասնում հասարակության սոցիալ-տնտեսական զարգացման ընթացքին, և նոր պայմաններին նրա հարմարվելը չէր կարող շարունակվել անվերջ: Բանը անշեղորեն հանգում էր պետության սոցիալական բազայի նեղացմանն ու թուլացմանը: Հելլենիստական ժամանակաշրջանի ծնունդը հանդիսացող ծանրաշարժ և բազմաճյուղ պետական ապարատը ֆեոդալական հարաբերությունների զարգացման նոր պայմաններում կաշկանդում ու ծանրաբեռնում էր հողատիրական ավագանուն: Անխառններն իրենց ի վիճակի էին համարում ինքնուրույն, առանց Արշակունիների անհանգիստ ու պահանջկոտ իշխանության օգնության, իրագործելու այն ֆունկցիաները (դրանց նոր, ֆեոդալական, ձևափոխությունը), որ առաջ կատարում էր այդ իշխանությունը:

Արշակունիների կենտրոնացված իշխանության ճգնաժամը, որ ամբողջ ուժով երևան եկավ IV դարում և բարդացավ Հռոմի և Պարսկաստանի քաղաքական ու ռազմական միջամտության հետևանքով, ստրկատիրական հասարակարգից ֆեոդալիզմին անցման սրտցեսը բնութագրող տնտեսական երևույթների խտացրած արտահայտությունն էր: Դա Հայաստանի ստրկատիրական սոցիալ-տնտեսական փորձացիայի ճգնաժամի վերջին, եզրափակիչ էտապն էր:

* * *

Առկա նյութերը, չնայած իրենց ծայրահեղ սահմանափակությանը, թույլ են տալիս, թեև ամենաընդհանուր դեպքում, վերակառուցել այդ փորձացիայի հիմնական երևույթներն ու սրտցեսները և երևան բերել, նույնպես ընդհանուր ձևով, հին հայկական հասարակության զարգացման ուղու որոշակի առանձնահատկությունը, որոնք ուրվագծելու փորձով էլ մենք հանրագումարի կրեքներ ներկա հոդվածը:

Մեր թվականությունից առաջ I հազարամյակում, գտնվելով հին և հելլենիստական Արևելքի զարգացած ստրկատիրական երկրների ծայրամասում, Հայաստանի հասարակարգը չէր կարող անցնել և չանցավ զարգացման կանոնավոր ուղի՝ առաջացում և ամրապնդում—ծաղկում—ճգնաճամ և անկում: Ընդհանրապես ծայրամասային հասարակության զարգացման տեմպերը անհավա-

սարաչափ են լինում, քունի որ, հենվելով հարևան ավելի զարգացած ևրկրների կյանքի տարրեր ընագավառներում ձեռք բերած նվաճումների վրա և օգտագործելով դրանք, նա ոչ միայն արագացնում է իր զարգացումը, այլև հաճախ շրջանցում նրա առանձին փուլերը, արագ քայլերով հասնելով այն ևրկրներին, որոնք խթանել են նրա զարգացմանը:

Հասկանալու համար, թե ինչու են Հայաստանի զարգացման անհավասարաչափությունը, հարկավոր է հիշել, որ հելլենիստական շրջանը հին Արևելքի ևրկրների համար եղել է ստրկատիրական հասարակության ավելի քան երկու հազար տարվա սլատմության եղրափակիչ էտապ, մի ժամանակաշրջան, որը անմիջականորեն հանդեցրեց ֆեոդալական հասարակության անցմանը: Հելլենիստական ժամանակաշրջանում, իսկ Արևելքի որոշ ևրկրների համար մասամբ էլ յրանից տուաջ, նկատվում է աշխատավոր, մասնավորապես հողագործական, ընակչության շահագործման ձևերի մեծ բաղմաղանություն: Դրանցից մի քանիսր հիշեցնում են ֆեոդալական շահագործման ձևերը: Ինորոշ է պառնում հողի վրա նստեցված ստրուկը՝ իր ոչ-մեծ տնտեսությամբ, որը, իր հետ միասին, պատկանում է ստրկատիրոջը: Սաստկանում է ազատ գյուղացիության շահագործումը, բարձրանում նրա կախման աստիճանը և տեղի է ունենում նրա հողին մասնակի ամրացման պրոցես: Մի կողմից այդ և նման երևույթները դեռ յուրս շեն գալիս ստրկատիրական հասարակարգի շրջանակներից, հայտանշելով լուկ նրա ճգնաժամը, և իրենցից ներկայացնելով այնպիսի մեթոդների որոնումներ, որոնք ընդունակ են երկարացնելու նրա գոյությունը, մյուս կողմից դրանք արդեն ասագա ֆեոդալական հարաբերությունների տարրերի սաղմերն են, որոնք առաջանում են ստրկատիրական հասարակության ներսում և նախապատրաստում նրա անկումը:

Հենց այդ բարդ, ճգնաժամի դժեր կրող տնտեսական իրադրության մեջ է ներգրավվում Հայաստանը հելլենիստական ժամանակաշրջանում, իր թիկունքում չունենալով, սակայն, զարգացման այն երկար ուղին, որի արդյունքն էր հանդիսացել այդ իրադրությունը: Հագիվ սկսելով զարգանալ ստրկատիրության ուղիով, Հայաստանը միանգամից մուտք գործեց ստրկատիրական հասարակության այն ստադիան, որը անմիջականորեն նախորդել էր ֆեոդալիզմին: Այդ սլատճառով, նա փաստորեն չկարողացավ ասլրել ստրկատիրական տնտեսության այն ծաղկման ժամանակաշրջանը, որը տարրեր ժամանակներում և տարրեր ձևերով հատուկ է եղել Հին Արևելքի ևրկրներին ու հունա-հռոմեական աշխարհին, և, հետևաբար, չկարողացավ լրիվ չափով ստեղծել ստրկատիրական հասարակության համար ընորոշ մի շարք սոցիալական և քաղաքական ձևեր ու հիմնարկներ: Դրա շնորհիվ, սակայն, Հայաստանի զարգացման տեմպերը, հին սրևելյան հասարակությունների համեմատությամբ, սրընթաց էին և նրա անցումը ֆեոդալական հարաբերություններին ավելի հեշտությամբ կատարվեց: (Հայտնի է, որ տվյալ արտադրանեղանակի փոխարինումը ամենից ավելի դժվար է ընթանում այնտեղ, որտեղ այդ արտադրանեղանակը ամենից ավելի է արմատացել): Հայաստանը արդեն մեր թվականության առաջին դարերում գուրս եկավ ծայրամասային երկրի վիճակից և այնուհետև ինքն սկսեց խթանիչ և քաղաքակրթիչ դեր խաղալ սոսմանակից ևրկրների նկատմամբ: